

IO. LAVENTII MOSHEMII

ABBAT. MARIAEVALL. ET MICHAELSTEIN.

SERENISS. DVC. BRVNSVIC. ET LVNEB. A CONSIL. CONSIST.

ET ECCLESIAST. REL.

(18)

COMMENTATIO

DE

DIVORTIO

Von den

In dem Neuen Testament begründeten Ursachen
der Ehescheidung,

METHODO DEMONSTRATIVA
CONSCRIPTA

ET

POTISSIMVM IN GRATIAM LL. CVLTORVM
RECVSA AC EMENDATA.




IENAE APVD IO. CHRISTOPH. STRAVSSIVM
AN. CIC 1557.

ART MOVIE

58700(18)





ΣΤΝΟΨΙΣ.

- §. I. **N**otiones de Di- §. VIII. Index Diuortii.
uortio scitu §. IX. Norma Diuortii
necessariæ. iuxta scripturam sa-
cram.
§. II. Instituti Ratio.
§. III. Fundamenta Di- §. X. Generalis causa Di-
uortii.
§. IV. Datur Diuortium.
§. V. Non vero ob solum §. XI. Specialis causa al-
Consensum unius Coniu- tera scilicet desertio ma-
gis,
§. VI. Neque ob utriusque litiosa.
Coniugis Consensum.
§. VII. Sed legitimas ob §. XII. Specialis causa al-
causas a Judice explo- tera scilicet adulterium.
randas.
§. XIII. Causæ alie adul-
terio æquipollentes.
§. XIV. De Diuortio im-
proprio.

§. I.

DI VORTIVM hic non pro Diuerticulo Notiones
quouis, quem vocis huius significatum de Diuor-
tio scitu
adducit VIRGILIVS Aeneid. IX. v. 397. necessariæ.
& TACITVS, sed pro Dissolutione Matrimonii inter

Matrimo-
nii defi-
nitio.

Diuortium
quid?

Est vel
proprium
vel impro-
prium.

Instituti
Ratio.

Coniuges Superstites legitima sumitur. Per matrimonium vero intelligimus legitimam societatem Maris & Fœminæ procreandorum primario liberorum gratia. Hinc patet, cum nulla plane societas neque iniri neque consistere possit absque Pacto, Matrimonium quoque iniri & continuari Pacto, siue Consensu mutuo duorum pluriumue in idem Placitum tollendi aut constituerendi Iuris perfecti causa. Varia Diuortii synonyma afferre non opus est: sufficit monuisse, Græce dici βιβλιον ἀποστολις δῆνας Matth. XIX, 7. & ἀπολῦσαι. Hebræis autem vocari בְּרִהְוֹת. Matrimonium vero aut reuera est (legitimum) inter Coniuges, aut varias ob causas pro eo tantum habetur, reipsa vero nullum est: Adeoque duplex Diuortii, si late sumitur, Genus constituitur; alterum Diuortii genus magis ex usu mero loquendi quam iusta causa est Dissolutio legitima Matrimonii, ut ita dicam, putatiui; reuera vero nullius; Alterum est Dissolutio legitimi Matrimonii. Confusionis euitandæ gratia illud vocabimus Diuortium impróprium, hoc vero proprium.

§. II.

Primo autem rationem proprie sic dicti Diuortii hic explanabimus, tum quoque quædam, quæ circa alterum eius Genus notanda veniunt, adiiciemus. Si quis vero non omne, quod de hoc dici posset Argumento, dictum esse hic comprehendet, mihi hoc ignoscet facile, cui quippe animus fuit, de Matrimonii Nullitate tantum ea modo disquirere, quæ fundamento esse posunt scripti proxime edendi contra Dn. P. EL. TRAVT-

MANNI

MANNI *Acta Curiosa* CIC 1000 XIV. Halæ edita & CIC 1000 XXIV. ibidem recusa. Circa proprium autem Diuortium sæpius cum tot emergant Difficultates, ut eruditissimi quoque Viri sua in eo exercere Ingenia operæ sibi multum dederint: errorem si quis hic commisum esse putaret, is mihi eo minus hoc magno dabit vitio, quo magis hactenus inter se dissenserunt Viri in quouis eruditio-
nis genere præstantissimi. Nota enim est Contro-
versia, quæ per aliquot annos scriptis mota est
inter Virum illustrem I. H. BOEHMERVM aut po-
tius Dn. KA YSERVM & Celeberrimum I. M. L A-
N GIVM. (a) Huc etiam pertinent, quæ de eo dis-
serunt S TRYKIVS, (b) SELDENVS, (c) BRVCK-
NERVS, (d) MILTONVS. (e)

§. III.

Non immerito autem solide omnia tractaturi generalium loco Axiomatum præsupponimus

Funda-
menta
Diuortii.
Axiomata.

I.) Iniuriam nemini esse inferendam:

I.
II.

II.). Cum vero id resiliendo a pactis quam maxime fiat,

A 3

III.) Pa-

- (a) in Tr. *Beweiss*, dass die Diuortia iure naturæ verboten, etc. it. *Göttlich-triumphirende Wahrheit seines gründlichen Beweises* etc. conf. eius Tr. de Nuptiis et Diuortiis Diss. VI.
- (b) Disp. de Diuortio totali ob insidias vitæ struetas.
- (c) in Tr. Vxor. Hebr. lib. III. cap. XVIII. fin. it. in *Iure naturæ et gent.* circa discipl. Hebr.
- (d) in Tr. *Decisiones Iuris Matrimoniales*.
- (e) in *Doctrina de Diuortio*. it. eius *Defens.* vid. BAYLE Diction. tom. III. vid. Milton.

- III.) Paēta quoque esse seruanda neque ad lædendum alterius ius perfectum frangenda esse, aut ab iis prius non dissiliendum, quam ab altera parte paētum sit fractum. Ex quibus efficitur,
- IV.) Vno pacifcentium a paēto essentialibus resiliente, alterum absque læsione tertii ad seruandum paētum non amplius esse obstrictum, aut tamen propter suam iurum æqualitatem idem committere posse absque illius iniuria:
- V.) Vno pacifcentium paētum sua culpa invalidum reddente, alteri liberum esse, paēto huic renunciare. Quæ uti sunt veritates euidentissimæ & accurate satis dudum euictæ ab iis, qui iuris prudentiam naturalem explanarunt: ita eis demonstrandis nunc non sumus occupati. Euidens porro est, teste experientia, vt longiori demonstratione non indigeat.
- VI.) Quod multi hominum omne rationis dictamen suffocantes pro lubitu quoad essentialia datam frangant fidem, multi autem
- VII.) Fidem sibi seruatam non esse falso sibi persuadeant, quorum scilicet iudicium, de rebus alienis alias non fallax, cum sua res agitur, plerumque impeditur, quo minus, quid tunc verum aut falsum sit, colligere illi possint. Atque hi saepius absque dolo malo in aliis iniuriam paēta facere irrita cupiunt.

§. IV.

Datur Di-
uortium.

Hicce igitur præmissis multa nunc, quæ de
Diuortio demonstranda sunt, clara cuiuis fient.

Nam

Nam (1) Diuortium licitum esse aut dari, non amplius dubitandum est: Matrimonium enim pacto est initum & pacto continuatur. (§. I.) Quamprimum igitur alter Coniugum, quod saepius fit, (§. 3. n. 4.) Pacti matrimonialis fundamentum destruit: alterius coniugum, qui Iesus est, obligatio ad seruandum adhuc pactum matrimoniale cesat. (§. 3. nr. 4.) Dissoluitur itaque quoad Iesum coniugem, si iure suo Iesus uti velit, pactum hoc matrimoniale ipsum, deficiente scilicet consensu mutuo officia coniugalia amplius praestandi; (§. I. med.) dissoluitur haec coniugum societas, deficiente pacto (§. I. init.) adeoque dissoluitur matrimonium ipsum, quod haec tenus inter illos fuit; (§. I.) id quod est Diuortium (per Definitionem I. §. I.) Expresse etiam hoc confirmavit C H R I S T V S, cum Matth. XIX. & V. Iudaeorum nimis laxam de Diuortiis doctrinam redarguens, quod diuortium certas ob causas licitum sit, doceat; quem reets sequitur P A V L L V S I. Cor. VII.

§. V.

Patet porro, (2) si quis Coniugum Pactum matrimoniale disfolui velit, quod hoc ei ob solum eius Consensum arbitriumque nequaquam sit licitum. (a) Namque in re propria optimi saepius homines in maximam alterius iniuriam pacta violare cupiunt. (§. 3. n. 7.) Ne hoc igitur fiat, cum pacta sint nullo modo frangenda, (§. 3. n. 3.) nequaquam quoque diuortium facere in sola cuiusvis Coniugis potestate positum est. Iis, qui sub ciuili-

Non vero
ob solum
vnius con-
iugis con-
sensum,

con-

constituti sunt potestate, aliud adhuc Argumentum obstat, quo minus alter Coniugum, altero inuitu, Matrimonium dissoluere proprio ausu possit. (β) Etenim talis eo Autoritatem Magistratus, qui tamen corroborando & tutum reddendo initum hoc Matrimonium Ius quoddam in illud sibi acquisuerat, eo magis läderet, quo maior a Principibus, de Pacto quodam inter nonnullos inito fidem suam dantibus, æstimatur illa læsio, quando alter paciscentium a promissis stare detrectat. Itaque cum a Pacto in læsionem tertii non liceat resilire: (§. 3. n. 3.) patet, ex hoc quoque fundamento vni Coniugum, altero inuitu Diuortium pro lubitu facere non esse permisum. (γ) Palmarum omnibus hisce Argumentis præripit Ratio, quam suppeditat Norma omnium actionum Christianarum, sacra scilicet scriptura Noui Testamenti. Quæ expresse Matth. XIX. &c. certos tantum casus, inter quos solus alterius Coniugis Consensus plane referri nequit, in quibus Diuortium permitti possit, designat. Recte autem generaliter concludo, quod vti nec Maribus Vxore inuita, ita nec inuito Marito Vxor ex solo arbitrio Diuortium facere possit, quamquam Christus de eo tantum agat, quod Maritus pro lubitu non posfit Vxorem dimittere. Etenim neque ex Iure Diuino reuelato siue Vniuersali siue Ebræis proprio, neque ex Iure Naturæ Vxor præ Maritis quadam gaudet prærogatiua: quod itaque in societate Matrimoniali Maritis prohibitum est, id quoque Vxoribus prohibitum esse censetur. Non amplius itaque dubium esse debet, vetitum esse cui-

cuius Coniugi, qui Nomen Christianum profiteri velit, vtcunque ipsi lubuerit, altero inuito Pæsto renunciare Matrimoniali, nisi in Christum & Spiritum Sanctum ipsum verum Deum & nullis plane Legibus circumscriptum Legislatorem injurius esse velit.

§. VI.

Intelligi etiam (3) ex dictis facile potest, quod, quamquam vterque Coniugum Diuortio consentiat, illud tamen ob merum eorum Consensum omnino non possit esse licitum. Sed hoc dictum esse nolo de iis, qui superiorem hoc in mundo non agnoscentes, Oracula Spiritus Sancti in nouo fœdere patefacta pro Norma Aetionum suarum non agnoscunt; Hisce enim Coniugibus nihil obstare credo, quo minus, stante Conditione Consensus vtriusque, absque alia vlla Causa Diuortium facere possint. Qui vero Coniugum ad Christi & eius Apostolorum effata suam volunt conformare vitam, eis, siue liberi sint ab omni potestate ciuili, siue etiam illi subiecti, non obstante consensu mutuo vinculum coniugale rumpere est prohibitum. Eiusque evidentem Rationem subministra ri posse arbitror ex ipsis Christi verbis Matth. XIX, 4. - 6. collatis Gen. II, 24. id planum est. Interrogatus enim Christus a Phariseis, num liceret Marito dimittere vxorem absque omni causa, absit: dicit, si enim Matrimonium in statu integritatis plane indissolubile est institutum, illud vero exemplar esse debet omnium subsequentium

B

Matri-

Neque ob
vtriusque
Coniugis
Consen-
sum.

Matrimoniorum, quomodo licebit vni tantum Coniugum modo alterum absque causa dimittere? Reste ita concludit Christus a maiori ad minus. Atqui, pergit Christus, verum est posterius, quoniam verum est prius, nimirum (1) Matrimonium indissolubile institutum est. ὁ γὰρ ὁ θεὸς συνέζευξεν, ἀνθρωπος μὴ χωριζέτω v. 6. XIX. Matth. Expressæ hæc verba testantur de Matrimonio omnimode indissolubili. Et nobis, qui Christum habemus verum Deum & veracem, non liceret amplius inquirere rationem huius Theseos. Addit vero eam Christus v. 5. 6. ἐνεκεν τάττε καταλέγει
ἀνθρωπος τὸν πατέρα καὶ τὴν μητέρα, καὶ προσκολλήσεται τῇ γυναικὶ ἀντί. καὶ ἔσονται ὡς δύο εἰς σάρκα μίαν.
Ωσε ἡκ ἔτι ἐισὶ δύο, ἀλλὰ σάρξ μία. Hæc verba enim quamquam non ipse Deus sed Adamus Gen. II, 24. proferat, quin tamen ea instinctu Dei singulari sint prolata, nequaquam est dubitandum, cum Christus ea Matth. XIX, 5. ipsi attribuat Deo. Talem nexus plane indissolubilem inter Coniuges exprimit græca vox προσκολλάσμα & hebræa ei synonyma, item quod σάρξ μία facti sint Coniuges. Ita demonstrauit Christus antecedentis membrum prius. (2) Posterius demonstratione opus non habet, cum omnes societas dirigendæ sint secundum præcepta in eius institutione data, quæ vero ab Adamo Gen. II, 24. I, 28. suppeditantur. Non enim id, quod tempore futuro Adamus loquatur, impedit, quo minus eius verba habeam præceptiua, cum, quod pleraque præcepta ab Hebræis tempore futuro dentur teste deca-

decalogo, constet inter omnes. Insigne si opus es-
set, Argumentum pro veritate a Christo assertæ
Doctrinæ exinde sumi posset, quod in ea adversarii
nihil, quod excipiunt, habeant; nam dubium fal-
tem aliquod afferunt v. 7. & indirecte quasi per
absurdum Christum confutare conantur ex præ-
cepto Mosi de Diuortio. Sed haud difficulter
Christus eorum obiectionem elidit, monstrans
v. 8. quod neutiquam Moses diuortium præcepe-
rit, sed tantum permiserit Deut. XXIV, i. ob Iu-
dæorum duritiem cordis. Gratis enim Iudæi sup-
ponebant, quod loco citato hypothesis præcepti
incipiat cum verbo בְּנֵי explicantes particulam
per tunc. Quare vero ordinariam particulæ expli-
cationem copulatiuam respuebant, neque, prout
contextus vrgebat, hanc thesin cum sequentibus
vsque ad versus tertii finem iungebant thesi præ-
cedenti, ita ut a versu quarto membrum poste-
rius aut hypothesis incepissent. Sic Iudæi ad di-
uortia inclinantes ob levitatem cordis absque pro-
batione præceptum a Mose habebant, quod tan-
tum permisum modo erat. Non itaque Iudæi
absque insigni peccato diuortia faciebant. Neque
enim exinde, quod circa Diuortium factum Mo-
ses iussu Dei quædam mandasset, colligi poterat,
Diuortium non esse prohibitum lege diuina. Ecce
enim Deus circa furtum factum leges præscribit
varias in Pentateucho, an vero ideo lege diuina
licet furtum facere? Ita quoque Deus præuidens
Iudæorum malitiam, quod ob duritiem cordis sui
Matrimonia secundum primæuam Institutionem

non sint inituri aut potius continuaturi, præcepta circa Diuortium faciendum dedit, ne Iudæi peccata sua nimis cumularentur. Hoc ergo sensu Christus Marc. X, 5. verba Mosis de libello repudiī vocat præceptum, non vero, quod Mosem Diuortium ipsum præcepisse putarit: alibi enim, cum Iudæi asserunt, Mosem Diuortium mandasse, Christus Diuortium dicit tantummodo esse permisum a Mose scilicet pœna ciuili non adficiendum. Videatur *FLACCI Clavis Scripturæ Sacræ in loc. cit.* Prohibitum itaque erat in Veteri Testamento Diuortium secundum institutionem Matrimonii: qui vero mandato divino obsequi nolebat, ei a Mose Deut. XXIV. in tantum hoc permittebatur, ut (1) Legem v. 5. præscriptam hoc casu obseruaret & (2) pœnæ ciuiles ob diuortium factum ab eo non supererentur. Deus enim Iudæos ob duritiem cordis sui diuortium facientes pœnarum politicarum absolvebat, quamquam peccati illos ideo non absolueret: quemadmodum hodie crapulam simplicem exercentes impuniti id faciunt, quamquam grauissimo peccato se maculent. Res illustrari optime poterit exemplo crapulæ. Quando ex. c. Magistratus Politicus mandat, ut, qui ebrii sunt, abstineant iniuriis alii inferendis & tranquille dormum suam reuertantur: licetne tunc lege diuina inebriari, si modo tranquille absque ullius iniuria domum secedas? Nequaquam. Permittit vero Magistratus ebrietatem ita, ut pœnas politicas illi non infligat, vti Deus per Mosen Deuter. XXIV,

1...4. Diuortium permisit: prohibet Magistratus ebrio iniurias cuiquam inferre, vti Deus Deut. l.c. prohibet dimittenti vxorem, quo minus dimissam vxorem denuo ducat. (a) Duo adhuc loca Veteris Testamenti obiici possent, quæ, quod Diuortium in Veteri Testamento mandatum; ne- dum Lege diuinâ prohibitum sit, videntur euin- cere. Conf. Mal. II. 15. 16. & Gen. XXI, 14. Non licet nobis in explicandis hisce locis esse prolixis: vindicari vero facile illa possunt ad nostram senten- tiā confirmandam. Nam quod Malachiæ cita- tum locum attinet, omnis res eoredit, quod LUTHERVS τὸ στέλλεται interpretatus sit: *Wer ihr gram ist, der lasse sie fahren.* Apparet vero pri- mo statim intuitu, quod Part. Κ eodem imo ma- iori iure ob morem Hebræorum verti possit per quod, στέλλεται vero tum Imperatiui tum infinitiui in Piel modi esse possit. Quod igitur hoc loco in Infinitiuo stet, docet tum contextus, in quod Diuortium Israelitarum frequens a Deo exprobra- tur, tum regula hermeneutica, τὸ στέλλεται ob ac- centum coniunctuum Munach cum præcedenti conne^ctens, vt itaque scopum textus accuratius attingamus & regulas philologicas melius obser- uemus, ita locum citatum interpretantes: *quod oderit dimittere*, id est Diuortium facere, testatur Deus Israelitarum &c. De loco Genes. XXI, 14. pau- ca monemus: unicum enim est exemplum Diuortii facti,

B 3

(a) Conf. ex nostris Theologis B. ALE. FELDENIVS Politica Sacra p. 201. ex Reformatis HENR. HVLSIVS de prærogati- grisci Israel. Diss. I.

facti, quod speciali & expresso Dei mandato niti-
tur, quo eo minus generalem Diuortii permis-
sionem licebit probare, quo minus licet Regem
occidere eam ob causam, quoniam Iehu mandato
diuino Regem iuste occidit. Sed satis de Diuor-
tio in Veteri Testamento lege diuina prohibito.
Necesse fuit, vt aliquantum diffusius ea traetaue-
rimus, quo syllogismum a Christo ad euincendam
Diuortii prohibitionem Iudæis oppositum, a qua-
uis obiectione liberaremus. Quemadmodum ita-
que Christus in consequente syllogismi sui, quem
Iudæis opponit Matthæi loco citato, probat, Con-
sensum solius Mariti non sufficere Matrimonio
dirimendo: ita assumendo imo probando antece-
dens illius syllogismi Hypothetici confirmat Chri-
stus, Consensum *vtriusque* Coniugum non esse
sufficientem: si enim Coniugium esse debet plane
indissolubile, non sufficit ad Diuortium Consen-
sus *vtriusque* Coniugum. Postquam igitur Chri-
stus indissolubile, plane matrimonii vinculum de-
monstratum a Iudæorum dubiis vindicarat: v. 9.
nunc redit ad quæstionem propositam, dicitque,
eo casu, qui illi esset datus, (scilicet quando Vir
possit dimittere Vxorem) nunquam esse licitum
Diuortium præter λόγον πογνείας. Videtur hoc
contrarium esse priori, quod diximus, quod nem-
pe hominum matrimonium institutum sit indisso-
lubile, itaque & perpetuum esse debeat. Sed
nequaquam nobis contradicimus. Omnia in-
dissolubile esse debet matrimonium per institutio-
nem diuinam: ast, quoniam Christus rem habet

cum

cum hominibus imagine divina priuatis, illis quoque Diuortium propter λόγον πορνείας concedit, quoniam aliter plane sese habent homines post lapsum ac ante eundem; neque enim in statu integritatis quisquam Coniugum aliquid commis-
furus fuisse, quod λόγον πορνείας in se habiturum fuisse. Ideoque Christus suo tempore lege diuina permittit, quod in statu integritatis non fuisse. Ast, dicas, si in Nouo Testamento diuortium interdum lege diuina non est prohibitum: in Veteri quoque Testamento illud easdem ob causas licitum esse debuisse. Respondeo: omnino propter λόγον πορνείας Diuortium locum inuenire potuisse in Veteri Testamento, sed Deus per Omnipotentiam suam Iudæorum duritiem cor-
dis non ignorans, quod nempe illi legi huic non parituri, sed leuiorem ob causam matrimonium dirempturi fuissent, inutile noluit agere opus; itaque de Diuortio nihil, in quantum per legem mo-
ralem liceat, præcepit, imo potius Deut. XXIV. id propter רָבוֹתְךָ factum pœnis ciuilibus in-
dignum esse iussit. Igitur Thesin nostram, quod consensus utriusque Coniugis diuortium non red-
dat legitimum, probamus ex Antecedente Syllo-
gismi adducti, haud vero ex consequente, quo id tantum euinceremus, quod marito soli non sit concessum diuortium facere. Arbitror itaque,
MOSEN AMYRALDV M (b) primo & tertio Ar-
gumento probanda non probasse, sed tria omnia
ad

(b) In Tr. de Iure Naturæ circa Connubia p. 109.

ad vnum scilicet secundum eius Argumentum vocanda esse. Primo enim id tantum modo probat, quod duritiem cordis arguat, si maritus uxorem propter רָבָה עֲרוֹתָה id est turpitudinem aliquam repudiaret: de hoc enim Diuortio sermonem habent & Iudæi, & Christus, & Moses, neque constat, diuortium consentiente utroque Coniugum inter Iudæos fuisse solitum. Alia vero plane res est, absque consensu Vxoris, & propter siue cum consensu Vxoris Diuortium hoc facere, prioris non vero posterioris prohibitionem evincit cit. Autor. Ita quoque tertium Argumentum p. 114. nimis aut nihil probat, i. e. quod Matrimonium aut nunquam possit dirimi, aut omnino possit ob consensum utriusque. Actio enim illa physica Matrimonium reddens societatem naturalem, cum aliæ societas tantum sint politicæ, (cui citatus Auctor substruit vinculum matrimonii plane insolubile) respectum quendam operatur perpetuum, qui nunquam cessat. Sic vero nunquam omnino cessare, hoc est, dissolui deberet societas quorundam Matrimonialis, quod tamen Amyraldus non vult. Si societas Matrimonialis ita est comparata, uti Parentum erga liberos, id quod citatus Auctor asserit: omnino ea Consensu utriusque Paciscentium dissolui potest. Si enim Parentes consideras physice, quatenus liberos generant: nunquam eorum cum liberis societas dirimi poterit; relatio enim hæc per generationem orta est perpetua. Tunc vero hoc applicari nequit ad societatem Matrimonii, nisi absolute

solute eam nunc esse perpetuam dixeris. Si vero moraliter Parentes intelligis, qui educationis aliorumque curam habent: tunc eorum societas cum liberis omnino potest dissolui disensu seu rectius consensu liberorum & Parentum, quando nempe liberi sese sustentandi media mature sibi acquirentes consentiunt, a Parentibus sibi non amplius alimentum præberi. Tantum de eo, quod non sufficiat consensus in utroque Coniugum ad dirimentum Coniugium. Addo hoc: si Magistratui Coniuges sese subiecerunt: hanc quoque ob causam, vti §. 5. nr. 6. demonstratum esse credo, non sufficiens est merus utriusque consensus ad nuncium mittendum Matrimonio.

§. VII.

Cum igitur neque vius (§. 5.) neque utriusque Coniugum consensus solus (§. 6.) Diuortii causa sit sufficiens; attamen illud saepius locum inuenire debeat: (§. 4.) necesse est, alii negotium demandetur in Diuortii quæsti causas inquirendi & nullo personæ respectu habito, num illud licitum sit nec ne, recte diiudicandi. Arbitr̄, si coniuges imperio ciuili non sunt subiecti, merito ab utraque Coniugum parte elititur, quippe qui eadem erga se inuicem potestate fruiti eodem iure merito utuntur. Huius quoque arbitri iudicio, in quo uterque antea sponte acquiescere decreuit, ambo litigantes ut acquiescant necesse est, nisi legi natura hominibus datæ studio fraudem velint face-re. Quod si vero Coniuges Membra cuiusdam

Sed legitimas ob causas a Iudice explorandas.

C

Rei.

Reipublicæ facta sint, certum est, tuno Diuortium eorum a Gubernatore illius Reipublicæ decernendum esse. Ratio est, quo iam huius Autoritate Matrimonium antea erat pro legitimo declaratum atque a quavis iniuria defensum: Cum igitur id irritum factum esse aut unus aut uterque Coniugum prætendat: id necessario eius iudicio submititur, qui ius & vim habet res dubias dignoscendi & sententiam de eis latam exequendi; id quod est Magistratus, solus id illegitimum reddens, quod antea legitimum pronunciarat.

§. VIII.

Iudex Di-
uortii.

Hac de Diuortio decernendo Potestas Magistratus refertur inter Ius eius Episcopale, rectius, cum Episcopi non sit κυριεύειν, Ius circa Sacra di-
ctum. Nostrum non attingeremus scopum, si quod pontificii in Concilio Tridentino inique hoc Clericis vindicent, prolixe vellemus probare. Olim hoc eorum asfertum non fuisse probatum, testatur Exemplum Regis Bohemiæ Primislai seculi XI. fine, qui omnino prius Consensum Imperatoris Philippi I. petere coactus fuit, quam Diuortium cum Vxore Misnica facere potuit. Eodem quoque Iure usus est Imperator Ludouicus Bauarus in Ducem Carinthiæ. Conf. de eo illustris PETRVS DE LUDWIG breuiter illud notans, (a) cuius fundamenta videre sunt in Tr. (b)

Tot

(a) im Entwurf seiner Reichs-Historie p. 94. et 76.

(b) Recueil des Traitez de paix, de Treve, de Neutralité, tom. I. p. 233. b. p. 234. Amstelod. 1700. fol.

Tot autem propter malam plerorumque hominum mentem oriuntur de Diuortio spinosæ quæstiones, ut summam rerum tenens plerumque solus hæc usus potestate eis iuste componendis sæpius non sufficiat. Quare recte hic delegat viris prudentibus, iisque, quæ huic inferuiunt satis instrutis, qui autoritate delegantis in causas Diuortii inquirentes ius dicunt. Hic virorum confessus inter nos Euangelicæ Religioni addictos vocatur Consistorium, cuius membra quot & quæ esse debeant, vti dictum, ordinarie a supremo rerum matrimonialium Iudice dependet, non vero ita, si is hac de re pacta quædam cum subditis iniit, quæ violare illi non fas erit. Eligit is alias, quos aptissimos esse videt, morum probitate & necessaria diiudicandi scientia præditos. Quæcum non solum in Iureconsultos, sed etiam Theologos cadat, non ineptum est, hos tali Collegio adiungere. Namque fundamenta, ex quibus res Matrimoniales dubiæ iudicari debent, in Iurisprudentia diuina, præter alias Theologiæ partes solidè & prolixè satis traduntur. Neque puto recte ita concludi: Theologi plerumque tantam Iuris Canonici cognitionem non habent, quantum Iureconsulti; ergo excludendi illi sunt plane Consistoriis. Nam quantum ad dirimendas matrimoniales causas ex iure Canonico scire opus est, ubiuis nunc in Ordinationibus Ecclesiasticis exponitur, quorum vero notitia non transcendit captum Theologi vel mediocri ingenio prædicti. In eo, quo recte quoque Theologi elegantur Assessores

Consistorii, consentientem habemus Iureconsultum celeberrimum Virum, illustrem BOEHMERVM, clare hoc profitentem. (c) Plura dat Vir Summe Reuerendus BVDDEVS, (d) & Summe Reuerendus Io. GERHARDVS MEVSCHEN. (e)

§. IX.

Norma Di-
uortii ex
Matth. 19.
& 1. Cor. 7.

Nunc, secundum quam normam de Diuortii sit a Iudice decernendum, dispiciendum est. Pleraque eo redeunt momenta, quod ex Iurisprudentia Naturali (§. 3.) dictum est. Necesse autem est, ei adhuc aliam, quam Saluator noster Matth. XIX. & V. & Paullus 1. Cor. VII. nobis inculcauit regulam, adiungamus. Ea quod nobis instar regulæ esse debeat, nemini dubium erit, nisi qui Christi legibus obsequium ab eius discipulis præstari debere negabit.

Dubia re-
soluuntur
& BRVCK-
NERO re-
spondetur.

Ideo facile refutari posse autumo, quæ huic obiecit vir consultissimus BRVCKNERVS: (a) scilicet I.) quod Christus præceptum illud de Diuortio Matth. loco citato priuatis tantum hominibus, non vero magistratui dederit, ideoque id normam esse non posse diuortii decernendi. Nam Argumen- tum I. hac ratione Magistratus Christianus plane non esset obligatus ad interdicendum ciuibus suis quicquam eorum, quæ Christus fieri noluit, quoniam illi,

(c) Iure Ecclesiastico Protestantium tom. I. lib. I. tit. 20. §. 30. pag. 630.

(d) Theologiæ Moralis part. II, cap. III. sect. VII. §. 33.

(e) in Diatribe, qua princeps et Director Synedrii magni Ebræorum examinatur. Corb. 1724. 4. §. IV. f.

(a) in Decis. Iur. Matrim. p. 484. et 35.

illi, quibus præsentibus Christus reliqua sua de-
dit præcepta, maiori Magistratus dignitate non
gauisi sunt ac illi, quibus Diuortium absque causa
facere vetuit. Sed nec hac quidem responsione
opus est. Annon enim Pharisei, a quibus citato
loco interrogatur, quibus quoque respondet Chri-
stus, synedrium constituerunt? itaque non priua-
tis hominibus, sed membris Senatus Iudaici re-
spondet.

Porro II.) exemplis circa hanc materiam di- Argumen-
iudicandam non standum, sed regulis, id quod tum II.
tamen agit citatus Autor prouocans ad præxin-
primitiæ Ecclesiæ. Nam illa fuit varia circa Di-
uortii doctrinam: modo difficulter Diuortio con-
cesserunt, quod post euersa statim Hierosolyma
factum est: modo facilius Seculo IV. & sequenti-
bus, teste SELDENO. (b) Illa præsertim, quæ ad-
ducit citatus Autor testimonio NACIENCENI,
HIERONYMI &c. esse nequaquam debent instar
regulæ, cum in variis tunc iam doctrina Christi
corrupta fuerit. Regulis itaque e Scriptura Sa-
cra petendis standum est.

III.) Tandem illud, quod citatus Autor §. 21. Argumen-
opponit: hoc Christi præceptum esse tantummo- tum III.
do datum iis, qui perfectionem Christianam anhe-
larent, itaque Magistratui ceu normam non esse

C 3

præ-

(b) in Vxore Hebr. lib. III. cap. XXII. add. omnino IOANNES
BAPT. COTELERIVS Not. ad Hermæ pastor. lib. I. mand.
IV. p. 843. edit. Fabricii. STEPH. LE MOYNE in variis sacriss
tom. I. p. 291. DIONYSIUS PETAVIUS Diss. Eccles. lib. II.
cap. VIII.

præscriptum: illud, inquam, absque probatione dici puto, aperteque reliquias Papismi, quas ceteroquin tantopere aversantur Iureconsulti, redo-
Causa di-
uortii non
est ciuile
negotium.
Libenter quidem concedo, quod Magistratū
tus non possit in praxin ducere vi seculari re-
gulas virtutis aut punire secus facientes. Sed
hoc quoque certum est, Magistratum Christianū
non debere id permittere, quod voluntati
diuinæ & Christi præceptis repugnat, si quod
fiat, tantum a Magistratus permissione dependet:
Alias enim non esset amplius Magistratus Christianus, sed plus quam Ethnicus, qui leges diuinæ
violari sponte non patitur, cum id euitare possit.
Tale autem est Diuortium: repugnat enim Christi præcepto, si absque causa permittitur legitima;
dependet autem tantum a concessione Magistratus. Aliter sese habet præceptum de euitanda
crapula, scortatione &c.: hic peccatur contra
præceptum diuinum absque concessione Magistratus, adeoque huius & illius alia plane est ratio.
Hoc obstat præceptum, quo minus Iudex, consen-
tiente & petente utroque coniugum, Diuortium
possit pronunciare licitum, (§. 6.) quanquam Rei-
publicæ inde nullum eueniat damnum; quam de
aliis valet pactis, quæ, cum alteri iniuria non sit,
recte dissoluuntur consentiente utroque paciscen-
tium. Exinde, credo, appareat, Diuortium non
esse negotium mere ciuile, vti ex. gr. causa circa
Testamenti rationem. Evidem non ignoro, ob-
iici, quod res ipsa sit ciuilis, modus vero, iuxta
quem circa hanc rem sit agendum, a Christo sit
deter-

determinatus, prout Christus circa plura, quæ sunt res ciuiles, quædam monuerit ac præceperit. Hoc vero dubium exigui videtur esse momenti illi, qui considerabit, Christum legem moralem cap. VI. Matth: ab inquis Iudæorum interpretationibus vindicaturum, nullius plane ibi mentionem facere, quod forum tantum ciuile attineret, cuius tantummodo modum agendi præscriberet. Cum igitur ibi Christus præcipue quoque in vindicanda Diuortii doctrina sit occupatus, omnino aberraremus a scopo sermonis, si Christum modum determinasse rei, quæ in se considerata mere sit ciuilis, diceremus. Facemus nunc rationem, quæ alias peti exinde solet, quod Matrimonium non sit pactum mere ciuile, adeoque neque eius dissolutio, scilicet Diuortium. Probandum enim tunc nobis eset, cum nonnulli Jurisconsultorum dissentiant, Matrimonium non esse pactum mere ciuile; quod tamen nostri non est instituti. Parum abest, ut dicam, disensem Theologorum & Iureconsultorum saniorum hac in re videri esse de voce. Iamendum enim nostrates Theologi a Matrimonio eliminarunt omnem sacramenti ideam, & si quæ amplius in ritibus Matrimonialibus superesse videntur reliquæ Papatus, eæ magis sunt censendæ aut utiles consuetudines a Magistratu politico approbatæ ex. gr. Copula Sacerdotalis in templo: aut superstitiones non Theologorum directioni Ecclesiasticæ, sed vulgi moribus haud facile corrigendis adscribendæ. Adeoque, quando nostrates negant Theologi, Matrimonium & Diuortium esse negotium

Dissensus
Theolo-
gorum &
Iurecon-
sultorum.

tium

tium mere ciuile, non ita capienda sunt eorum verba, quasi docerent, latere adhuc in eo rem sacramentalem ac spiritualem, sed, ni fallor, id tantummodo intendunt, vt ne Matrimonium ob solum coniugum consensum disrumpatur, (quod in pactis mere ciuilibus fieri potest) grauiter id vetante nostro Sotere; ideoque putant non recte Matrimonium dici causam mere ciuilem. Ex sanioribus vero Iureconsultis neminem scio, qui neget, ob solum coniugum consensum Diuortium non debe-re concedi, neque præceptum Christi Matth. XIX: omnino hic instar legis esse affirmet. Igitur eo tendere videtur dissensus inter Theologos sapien-tiores & Iureconsultores modestiores: num Matri-monium ideo possit dici negotium mere ciuile, quod pacti ciuilis formam aliquam habeat, an ve-ro non mere ciuile, quod de eo in Novo Testa-mento quædam sint præcepta aut vetita; annon vero hæc lis est de voce in magnam partem. Sed hæc ὡς ἐν παρόδῳ: neque velim existimet aliquis, me, quæ inter omnes hac de re ætate nostra di-sputata sunt, ad meras vocum pugnas referre, aut utrinque interdum peccatum esse, negare.

§. X.

Generalis
Causa Di-
uortii.

Paæta legitime inita, disoluuntur a paciscen-tibus viuentibus aut mutuo consensu, aut consen-su alterutrius tantummodo paciscentis. Matri-monium est paætum legitime initum: (§. i.) non vero dissoluitur mutuo consensu accedente §. 6. & 9.) Nam §. citato euincitur, solum coniugis vtrius-

vtriusque arbitrium absque causa sufficiente dis-
soluendi coniugii non approbare Diuortium. Sed
mutuuſ consensus nixus causa tali sufficiente non
existit. Da enim, illum existere, cum causa dis-
soluendi coniugii tantum sit quærenda in viola-
tione illius pacti ab altera parte facta, (§. 3. n. 3.)
sequeretur, coniugem conuincere posse socium
suum fratri pacti, hunc vero illum non minus
eiusdem, posse iure accusare, adeoque ab vtraque
parte fidem non esse seruatam. Sed tunc neque
vni neque alteri coniugi iniuria facta est, quo-
niam uno pactum violante, alteri idem licet. (§. 3.
nr. 4.) Cum itaque nemini eorum iniuria facta sit,
dissolutionem quoque vrgere nequéunt. Ergo
non datur vtriusque coniugis consensus de Matri-
monio dissoluendo cum causa eius sufficiente con-
iunctus. Itaque consensu vnius tantummodo con-
jugum Matrimonium dirimitur. Consensus vero
de dissoluendo pacto aut rationem iustum habet,
quia pacto diutius seruando paciscens non est
obligatus, aut eam non habet. Posterior hic in-
censum non venit; non enim dissolutionem pacti,
de qua hic agitur, efficit, cum ad eam, quoniam
pacta inuiolabilia sunt, (§. 3. nr. 3.) causa requi-
ratur iusta.

Iusta igitur causa est, I.) aut quando alter pa- Iusta cau-
ciscentium suæ indulgens voluntati absque alia sa diuortii
ulla ratione pactum seruare in posterum plane non
vult. Hoc euidenter est non modo ex (§. 3 nr. 10.)
sed ex eo præterea, quod natura ad impossibilia
nemo sit obligatus: Pactum autem seruare, sup-

D

ponit

ponit duorum hominum consensum & actum (§. I.); cum vero alterius consensus per hypothesin desit, alter solus pactum continuare nequit.

Aut II.) quoque, quando innocens paciscentium non quidem ob defectum consensus in altero paciscente de pacto continuando potest a pacto resilire: attamen ideo, quod alter pacti essentialia violarit, quare sibi licentia permissa sit renuncandi pacto. (§. 3. nr. 4.) Inter hasce duas causas omnes pacti dirimendi casus referri posunt. Vtraque vero causa supponit fractum ab uno pactum, quæ itaque causa est generalis Diuortii. Sic quoque de pacto matrimoniali iudicandum, quod, si de lumine rationis quæstio est, non venit in dubium: sed etiam reuelatæ Theologiæ est consentaneum. Duplex quoque in eadatur causa, ob quam matrimoniale pactum dirimi potest. Si enim generalem Diuortii causam, violationem nimirum pacti in Scriptura Sacra reperimus, specialis etiam admittamus necesse est. De generali vero causa disserit Christus cum Phariseis Matth.

Expositio
Matth.
V, 32.

Cardo ref
vertitur in
expositio
ne vocis
λόγις,

V, 32. dicens, Diuortium non esse licitum παρεκτὸς λόγις πογνεῖας, id est excepta ratione scortationis. Supponendum hic adhuc, quod infra (§. 12.) demonstrabimus, vocem πογνεῖας h. l. non de quavis re turpi, sed de scortatione (quæ a coniugibus commissa Adulterium etiam vocatur) intelligen-
dam esse. Hic vero probamus, quod vox λόγις non abundet, sed cum πολύσημος sit in Scriptura Sacra, hoc loco necessario exprimat rationem, causam, qualitatem. Et quidem quod possit hanc exhaus-

exhaurire ideam, ex variis Noui Testamenti di- quæ euol-
 Etis, in quibus vox ita explicanda est, apparet. uitur.
 Sic dicitur Luc. XVI, 2. ἀπόδος τὸν λόγον τῆς ἀκονο-
 μίας, & Matth. XII, 36. ἀποδώσεσιν ὑπὲρ αὐτῶν λόγον:
 Lingua vernacula dicimus *Rechenschaft*; quæ vero
 vox, vti græca, nihil aliud vult, quam dare &
 ostendere rationem, causam, indolem & qualita-
 tem *die Art oder Eigenschaft* expensorum & ac-
 ceptorum & muneris, quo ea functi sumus mo-
 do. Sed vt hunc præ cæteris omnibus significa-
 tum vnice huic loco aptum esse credamus, tum
 hoc nos adducit, quod absque tautologia aut ab-
 surdo reliquas huius vocis πολυσήμου significatio-
 nes hic applicare non possis, exempli gratia, ser-
 monis, verbi, filii Dei, loquendi facultatis: tum
 quoque hoc, quod alias diuus Paullus, id quod
 dicere impium esset, Christo contrarius plane fo-
 ret. Nam ille i Cor. VII, 15. non modo vxori
 sed viro quoque licitum esse dicit, quando con-
 iux infidelis siue ethnica ob mutatam socii sui reli-
 gionem paæto matrimoniali stare nolit, τῷ χωρὶς εσθαῖ,
 id est secundum Matth. XIX, 6. diuortium face-
 re. Nisi igitur nomen τῷ λόγῳ Matth. V, 32. ex-
 plicare velles per *rationem*, eoque plures Diuor-
 tii causas, quam scortationem profiteri: ob vni-
 cam tantummodo scilicet scortationis causam Diu-
 ortium Christus concessisset, Paullus vero ob
 plures. Dicis: disparem esse sermonem Paulli &
 Christi; agere enim Paullum de eo, quando alter
 coniugum officia coniugalia imposterum præstare
 plane nollet, tunc vero sponte per vim hanc ob

causam diuortium fieri; Christum loqui de eo, quando iure Diuortium possit permitti. Ast respondeo, quod Diuortium per vim tantummodo factum ab vno coniuge sit nullum, sed per definitionem Diuortii legitimas ob causas adeoque de iure debeat fieri. Si itaque ex concessis pertinax officiorum coniugalium denegatio Diuortium importat, id quod diuus Paullus confitetur: omnino præter scortationem alia adhuc Diuortii causa iusta esse debet ex mente Paulli. Quæ cum menti Christi non sit contraria: Christus Matth. V, 32, de iustis Diuortii causis agens, vnicam tantummodo eius causam esse, docere nequit, nifus præsertim voce, quæ plures etiam sub se complecti potest. Nam dictum Christi: παρεκτός λόγος πολεμίας, nisi vocem λόγος superfluam plane esse dixeris, ita debet explicari: excepta ratione adulterii, & suppleri, excepto eo, quod qualitatem habet scortationis. Certe exemplum præter hoc nullum in Nouo Testamento animo meo occurrit, in quo duo articuli se inuicem sequentes & elliptice omisi sint supplendi. Sed quid obstat, quo minus vnicum hoc exemplum Noui Testamenti probare dicam, græcos per ellipsis duos quoque articulos quasi deglutire: cum hanc explicationem suadeat harmonia eorum, quæ Christus & Paullus præceperunt; imo etiam sint sæpius græcismi, quorum vnicum tantum in Nouo Testamento obstat exemplum. Quod si vero negat quis, duplum hic esse ellipsis: is tamen hunc verborum sensum secundum regulas interpretationis concedere

Vera &
genuina
interpre-
tatio ver-
borum
Christi.

dere debet: *præter id quod rationem habet scortationis.* Multa vero nunc sunt, quæ inter coniuges rationem scortationis habent. Quid enim aliud est scortatio, seu adulterium a quodam coniuge altero inuito commisum, quam violatio spontanea essentialium (liceat termino technico vti) pæti matrimonialis partium, cum consensus eorum præcipue de corpore sibi inuicem, non vero alii præbendo datus sit.

Quocunque igitur violentur essentiales pæti matrimonii partes, illud habet rationem scortationis: estque causa legitima diuortii.

At pluribus modis quam scortatione essentiales pæti matrimonialis partes violentur teste Scriptura Sacra; id quod nunc vberius considerare licebit. Duplici violentur modo, vti quoque lumen rationis duo violati pæti genera docet: alterum est, quando coniux absque alia vlla causa pactum matrimoniale perpetua pertinacia plane non vult colere, eoque socium ad rumpendum pactum cogit: alterum, quando quidem coniux altera vult pactum seruare, contra illud vero ita fecit, vt læsa pars debiti coniugalis plane absolui possit. De utroque genere, ceu speciebus generalis causæ diuortii agit Christus: de priori vero speciatim Paullus i Cor. VII, 15. Neque enim, id quod quis excipere posset, saltum committimus, ex speciali causa desertionis, cuius diuersæ religionis coniux rea fit, argumentum vniuersalis malitiosæ desertionis ducentes: nam hoc vult Paulli scopus & adducta suæ sententiæ

Essentialia
pæti ma-
trimonia-
lis dupli-
modo vio-
lantur.

I.
II.

ratio generalis: ἐν εἰρήνῃ πέκληκεν ἡμᾶς ὁ Θεός. De quo igitur coniuge compertum habetur, quod ob æque horrendam & constantem, a socio suo aduersationem, ac tunc habebant ethnici superstitionis a Christianis, coniugem dereliquerit, & quod æque minus inter illos pax servari possit ac inter coniuges, quorum unus ex superstitione zelo alteri coniugi ob mutationem religionis inuidet: huic, inquam, coniugi diuortium conceditur ex sententia Paulli, qui perpetuum & capitale odium causam diuortii ultimam habens, coniuges, quorum unus ad castra alia transit, vinculi sui matrimonialis absoluit. Quamquam penes Magistratum est, imo potius ei necessario incubit, huncce desertorem, si imperium in illuminat, ob fractum pactum, cuius causam non habet sufficientem, poenis adficere debitum. Nam si derelinquens odii sui culpam iustum afferre potest, nequit vocari malitiosus desertor, eiusque diuortium non ad illam referri poterit classem diuortii, de qua Paullus agit.

§. XI.

Specialis
causa, de-
sertio ma-
litiosa.

Nunc itaque videndum, quot casus accidere possint in quibus absque alio crimine antecedente ob pertinacem debiti coniugalis denegationem Diuortium decerni debeat, id quod vacauimus prius Diuortii genus. (1) Primo quidem huc pertinet *malitiosa desertio*, quæ, quo minus Matrimonium dirimat, a nemine neque Theologorum neque Iureconsultorum in dubium vocatur, si Reformatos

tos excipias. vid. IACQUELOTVS de l' *Inspiration de l'Ecriture*. Reète sane. Nam eo pactum antea initum non modo culpa desertoris invalidum redditur, sed & per rerum naturam & pacti matrimonialis definitionem fieri nequit, ut deficiente altero paciscente pactum diutius continuetur. Ast altero paciscentium pactum sua culpa reddente invalidum, innocentii licet pacto renunciare. (§. 3. nr. 3. & 4.) Expressè etiam Paullus hoc Diuortii causam urgentem esse, i Cor. VII. indicat vid. §. præced. Nonne enim is odium perpetuum & summum in coniugem fouveret, qui officia coniugalia evitaturus plane aufugit, quoduis periculum negligens? Quamprimum igitur euinci potest, ansfugisse coniugem & ad satisfaciendum pacto frustra aliquoties citatum redire nolle: innocentii coniugi licentia danda est, priori pacto nuncium mittendi. (2) Pacto etiam rumpendo ansam dat, qui quidem coniugem malitiose non deserit aufugiendo, ast concubitum coniugalem constanter denegando, vid. Summe Reuerendus BV D D E V S, (a) celeberrimus LANGIVS, (b) BRUCKNERVS. (c) Hic enim concubinatus pars est essentialis coniugii, & illud ipsum, ob quod matrimonium ineundum est. Sed uno paciscentium a pacti essentialibus resiliente, alter pacto non amplius tenetur. (§. 3. n. 4.) Idem docet Paullus loco citato. De eodem enim, qui hic in censum venit,

casu

(a) in Theologiae Moralis part. II. lib III. se^tt. VI. §. 10.

(b) in Tr. de Nuptiis & Diuort. p. 139.

(c) in Decis. Iur. Matrim. p. 488. §. 18.

casu agit, quando nimirum coniux quidam non quidem plane aufugit, sed concubendo officia præstare coniugalia recusat. Et quamquam solum ob pertinaciam, neque vero ob mutatam religionem alter alteri coniugi satisfacere nolle: sententia tamen Paulli lata hic applicanda esset, quoniam, licet non idem sit casus, eadem tamen causa Diuortii; nimirum euitatio odii perpetui & maximi. Sufficit igitur ad demonstrandum odium coniugis in socium suum conceptum & per denegationem amoris coniugalis perpetuam continuandum, quod neque seueritate neque lenitate nocens ad implendum paetum cogi potuerit. Et cum paeto friuole frangendo iniuria summa alteri inferatur, non impune pertinax talis coniux id recusare debebit, quod tamen respectu circumstantiarum habito determinabit Magistratus. Neque enim ab hoc deterreri poterit eo, quod Paulus fœdifragum coniugem pœnis adfici non iubeat. Nam plane inutile fuisset hoc præcipere, cum Christiani eo tempore imperio in ethnicos non fruiti, a malitiose deferente coniuge nequaquam pœnas sumere potuissent; Ethnicorum vero Magistratus dicto Pauli non obsecuturi fuissent. Aliter scilicet non fiebat tale Diuortium eo tempore, quam si alter coniugum tenebris ethnici cultus sacri adhuc immersus erat: coniuges vero, quorum uterque doctrina Christiana iam imbutus erat, maiori sacro ferore ac hodie prædicti, a Diuortio plane abhorrebant v. S E L D E N V S. (d) (3) Pari quoque pœna

(d) In Vx. Hebr. C. XIIIX. p. 409.

pœna digni essent, qui concubitum non alio quam modo illico exerceri vellent. Consenserunt etenim, atque per leges publicas consentire debuerunt coniuges de fine matrimonii legitime consequendo. Si quis igitur modo solum illico pacto stare vellet, non minus eo ac omnimoda officii sui denegatione a primaria pacti parte resiliens Diuortii causam præberet. (§. 3. nr. 4.) Reuera enim non vult, quamquam is videri nolit, prout pactum pepigit, illi satisfacere: itaque & illo subiiciendum est iudicio, quod Paulus de malitioso desertore tulit. Deriuauimus Diuortii propter denegationem debiti coniugalis licentiam ex dicto Paulino, non quasi illa ex præcepto Christi Matth. V, 32. probari non posset, id quod facile esset: sed quoniam faciliori modo ita scopum nostrum attingimus, vnica vero demonstratio sufficiens est ad euincendam veritatem.

§. XII.

Quod Diuortii genus posterius attinet, ad plura hic momenta attendendum erit. Extra omnem dubitationis aleam iterum positum est:

I.) Adulterium coniugem innocentem absoluere pacti, quod cum coniuge inierat, matrimonialis. Etenim primarius hic est finis & pars pacti matrimonial. ex omnium confessione, coniugi legitimo soli, non vero præter illum alii amplexum coniugalem concedere. Sed qui paciscentium a primariis pacti partibus resilit, fœderato suo causam præbet pactum penitus frangendi:

E (§. 3.)

Specialis
causa altera,
adulterium.

I.

verum:

(§. 3. n. 4.) hinc coniux innocens ad fidem adultero coniugi datam seruandam cogi nequit. Idem quoquè sanciuit Christus dicens: Matth. XIX. & Marc. X. &c. *Diuortium non licere εἰ μὴ ἐπὶ πορνείᾳ.* Audiendi hic non sunt Pontificii, qui particulam εἰ μὴ negatiue ita explicant: *neque ob scortationem.* Nam fere nunquam particula εἰ μὴ negatiua, sed aut aduersatiua, aut conditionalis, aut sc. hoc loco exceptiua est. Conf. celeberrimus STOCKIVS (a) & DEVARIVS. (b) Id quod confirmat Christus Matth. V. v. 32., quo in loco expresse particula vnice exceptiua utitur vid. Summe Reuerendus BV D D E V S. (c) Itaque certo constat, ob πορνείᾳ coniugi innocentī licere diuortium facere cum adultero. Sed quid πορνεία significet, dissentendi materiam eruditis dedit: caueamus vero, ne nimis arcta neque nimis laxam de eo formemus ideam. Sane illa vox *prostitutionem corporis quæstus causa* denotat Luc. XV, 30.: non vero opus est, vt talis scortatio ante patrata fuerit, quam Diuortium locum habere possit. Nam modo dicta quoque vox & quidem plerumque in Nouo Testamento adhibere generaliter solet de illicita quauis consuetudine, siue quæstus siue libidinis causa fiat vel inter personas solutas vel matrimonio iunctas. Superuacaneum est, multa de eo euoluere loca Noui Testamenti, quæ prolixè satis collegit citatus

STO-

(a) In Clave Linguæ S. Nou. Test. p. 358.

(b) In Tr. de Partic. Græc. p. 161. 164.

(c) In Theol. Mor. P. II. C. III. Seçt. VI. §. 10.

STOCKIVS. (d) Vnicus hic sufficit locus A&T. XV,
20. 29. ex quo satis appareat, quod πορνεία soleat
quamvis illicitam consuetudinem exprimere. Non
enim probatu dignum est, solam scortationem
quæstus causa factam, neque potius illicitum
quemuis amplexum Christianis νεοφύτοις esse pro-
hibitum. Ideo, cum generalem illiciti concubi-
tus significationem habeat πορνεία: recte quoque
Christus ea specialiorem illicitæ consuetudinis
actionem innuit, quæ est adulterium i. e. illicita
consuetudo inter personas, quarum aut una aut
vtraque matrimonio iuncta est. PHILONI etiam (e)
illa vox idem est ac adulterium: Et amplius quid,
quam scortationem eo intelligi, suo applausu
probat SELDENVS. (f) Genuina hæc est πορνείας
idea, neque vox illa præter iam dicta exhaustit
quoque cuiusuis turpitudinis notionem. Hoc confuta-
quidem demonstrare annititur SELDENVS: (g)
verum officio suo parum satisfecisse mihi videtur.
Exploratum hoc esse puto, locum Noui Testa-
menti nullum afferri posse, in quo nomen πορνείας
aliter sumatur proprie, quam de illicito coitu in-
primis nuptæ. Et absque urgente necessitate
SELDENVS (h) a consueta discedit explicatione
loci Paullini 1 Cor. V, 1. ὅλως ἀκέρετοι ἐν ὑμῖν πορνεία,
E 2 καὶ

confuta-
tur SEL-
DENVS.

(d) Tr. cit. p. 873. et PASOR. in Lex Græc. Lat.

(e) in Tr. de special. Leg. ad præc. sextum apud SELDENVM
in Vx. Hebr. C. XXIII. p. 349.

(f) in Vx. Hebr. p. 350.

(g) Tr. cit. XXIII. toto.

(h) Ibid. p. 358.

νηγή τοιαύτη πορνεία, ἥτις γέδε ἐν τοῖς ἔθνεσιν ὄνομάζεται,
ωσε γυναικῶν τινα τὴν πατρὸς ἔχειν. &c. ita eum inter-
pretatus: omnino auditur inter vos FLAGITIVM
(nostra versione legitur scortatio) siue crimen siue
deuiantis animæ TVRPITVDO & talis TVR-
PITVDO &c. Cum enim de quavis illicita con-
suetudine in Genere adhibetur πορνεία, quod su-
pra ostendimus: non incongruum est, illam ap-
plicare ad singularem impudicitiae speciem, eam-
que accuratius adhuc determinare. Non me la-
tet, SELDENVM Aetorum loco citato alium erue-
re sensum ex Concilii Hierosolymitani vſitata πορ-
νείας locutione: Sed, deficientibus argumentis in-
dubitatis, mihi suam nondum persuasit senten-
tiam. Per metaphoram dicitur homo πορνείαν
commisſe in Deum i. e. paſto cum Iehouah inito
non stetisse, maculando ſe flagitiis variis: pro-
prie autem πορνεία in Nouo Testamento nihil
aliud est, quam illicitus concubitus. Quare,
quamquam scriptores profani per πορνείαν deno-
tent quamlibet rem turpem, hanc significationem
tamen ſtilo Scripturæ Sacræ obtrudere non posses,
quoniam nefas eſt, significationem vocum profa-
nis autoribus vſitatam temere Sacræ Scripturæ
tribuere, præfertim ſi ſacer Autor easdem quidem
voces, non vero easdem vocum ideas cum profa-
nis autoribus habeat. Sed, concesſo etiam, quod
interdum in Nouo Testamento scriptoribus θεο-
πνεύſois πορνεία ſit res turpis: nequaquam tamen
hunc significatum nostro Matthæi loco & paralle-
lis poteris applicare. Etenim tuto ſupponi po-
test,

test, τό עֲרוֹה רָבָר Deut. XXIV, i. ex studio magis tuendi illicita diuortia, quam regulis boni interpretis ita exigentibus verti: אֵו עֲרוֹה אֵו רָבָר aut turpitudinem aut rem aliquam, quam peruersam explicationem defenderunt Hilleliani & maiori adhuc insanis asseclæ Rabbi Aquibæ. Legi de eo meretur SELDENVS (i) & GEIGER. (k) Coniungenda, quales erant hæ duæ voces construetæ, non separari sed coniungi debent interpretando: turpitudinem rei s. rem turpitudinis i. e. turpem. Christus igitur, optimus Scripturæ Sacræ interpres, non illis, sed hisce adsentiri potuit: „Cum Christus loquatur vero is obiectionem Iudæorum Matth. XIX, 7., cum quod interpretationem τές עֲרוֹה attinet, suo Scham- quoque fulciat applausu versu octauo: sole clarius mæanis. „est, quod hæc verba dicat ad Schammæanos, non vero ad Hilleianos; alias peruersæ Hillel's interpretationi calculum suum adiecisset, quod alienum est a veracissimo Deo., Sed quia Christus V. 8. rem habet cum Schammæi discipulis, eorum tamen doctrinam de diuortio reiicit: sequitur etiam, quod, quæ ipse Christus de diuortio præcipit versu 9. per παρεκτὸς λόγῳ πορείᾳ, illa diuersa sint a sententia Schammæana. Quæ porro cum fuerit hæc: ob rem turpem aut turpitudinem rei licitum esse Diuortium: Christus quoque hanc ob causam diuortia concedere non potuit. Ob πορείᾳ vero Christus diuortium pronunciat iustum: itaque πορείᾳ non est idem ac res turpis, conf. Summe

E 3 Rèue.

(i) loc. cit. p. 331. C. XX.

(k) Comment. de Hillele et Scammæi

Ergo eius
sententia
differt a
Scham-
mæana
opinione.

responde-
tur SEL-
DENO.

Reuerendus BVDDEVS. (l) Minime hoc argumentum destruitur eo, quod SELDENVS excipit: quod, si Christus ne Schammæanis quidem applausisset, Iudæos doctrinæ Christi plane nouæ contradicuros fuisse, de quo tamen Matthæus sileret. Sed an quoque ad vnum omnia, quæ Iudæi cum Christo egerunt, scriptis tradita sunt? sapientiæ diuinæ non necesse visum fuit, plura de eo posteriorum memoriæ prodere. Et quicquid etiam sit, Iudæis argumentum Christi, adeo speciosum esse potuit, ut, quod obiicerent, rimari non potuerint; qua etiam ratione pluribus, quæ Christus Iudæis contraria docuit, contradicere nequierunt. Accedit, quod admiratio discipulorum Christi approbare videatur, nouam adhuc fuisse Christi de diuortio doctrinam; saltem nondum me adduxit allatum SELDENI dubium, ut crediderim, discipulos Christi ab Hilleliano- rum partibus stantes, ob reiectionem a Christo Hillelis sententiam aliquantum iratos esse. Siue itaque Christus rabbinice aut syriace de hoc locutus sit, siue etiam initio Euangelium Matthæi hebraice scriptum fuerit, quæ me hic non feriunt controvërsiæ: firmo stat tali, πορνείαν loco citato de solo concubitu illico sumi. Ita de adulterio consummato nullum superest dubium, quin diuortii sit causa iustissima.

II.
quid de
adulterio
præsumto
iuris?

II.) Sed de præsumto plures oriuntur difficultates. Placuit autem viris circumspæcti iudicii, hanc de eo ferre regulam: si certo possit probari,

ani-

(l) loc. cit.

animum vnius coniugis fuisse ius alterius coniugis perfectum adulterio lœdendi, quamquam ad actum fœdum nondum peruererit e.g. si nudus cum nuda in lecto deprehendatur, qui illicitum amorem nondum exercuisset: tunc de matrimonio dissoluendo ius dici posse. (m) Quæ recte sese habere opinor. Paetum enim quoad essentiam satis violatum est, si animo destinauit adulterium: Eiusdem criminis is reus factus est, cuius ille, qui ipso facto mœchatus est: quod enim alias quidam fœdifragum absque huius culpa ab impio scelere impediuerit, id nequaquam nocentem excusabit, conf. BRUCKNER. (a) Sed qualia esse debeant argumenta pro probando Paeti violandi propositione, Ictis diiudicandum reliquitur.

III.) Eidem porro sceleri se alligant, qui Sodomitæ criminе sese macularunt: Res enim eadem est, excepto quod persona, cum qua rem habuit adulter, diuersa sit: hinc alia demonstratione non opus esse arbitror, quam illa, quæ de adulterio allata est. Non inutilia sunt, quæ hic monemus, aut de figmento quodam dicta. Licet enim vulgo hinefandi homines capitis damnentur: fieri tamen posset, ut criminе singulari Principis gratia a divina Mosis lege recedentis condonato, periculo capitis liberentur.

III.
Huc pertinet Sodomiæ crimen, a coniuge patratum.

§. XIII.

(m) Ill. BOEHMERYS in Iure Eccl. T. I. L. II. Tit. XXIV. §. 67.

(a) In Decis. Iur. Matr. C. XVII. §. 52. p. 458.

§. XIII.

Causæ aliæ
adulterio
æquipol-
lentes, quo
pertinet.

IV.
insidiæ
vitæ.

IV.) Quando coniux socii sui vitæ insidias struxit: innocens, si velit, summo iure diuortio quoad vinculum, vti dicunt, separatur. Ita quoque iudicat celeberrimus LANGIVS; (b) plura vero Theologorum orthodoxorum & in his Wittebergensium consilia collegit BRUCKNERVS. (c) Reète iterum. Namque uno pacifcentium a partibus paëti essentialibus resiliente, alter ad seruandum paëtum non amplius est obstrictus. (§. 3. nr. 4.) Quis vero dubitare posset, eum, qui pacifcentis vitæ insidiatur, paëtum non violasse? Violatio maior cogitari nequit, quam quæ fit pacifcentis vitam ipsam appetendo: Non modo enim non præstat, quæ paëto in se suscepit, debita, fidem conjugalem: sed etiam committit id, a quo abhorret, qui ne paëtum quidem tale iniit. Quis vnquam cum hoste infensissimo pacifceretur, aut paëto continuando vitam suam illi fideret? Huic alia accedit ratio, ob quam paëtum est rumpendum, scilicet quoniam nocens illud insidiis suis irritum reddidit. Hoc crimen, si ex Scriptura Sacra diiudicandum, habet in se λόγον πορνείας & deterius est πορνεία, adeoque eius causa reète matrimonium dissoluitur Matth. V, v. 32. §. 10. Omne enim id in se continet λόγον πορνείας, quo paëti matrimonialis essentia violatur: (§. 10.) sed insidiis vitæ strutis hoc fit. (§. 3. nr. 4. & Præcedentia huius §.) Quamquam inimicus talis pacifcens pœnitentiam

de

(b) Tr. cit. p. 140. §. 14.

(c) Tr. cit. p. 490. §. 20.

de ante aetis testatus, vitæ emendationem spondeat: neutquam tamen pars læsa, ut pacto stet, coerceri potest, cum ad pactum dirimendum sufficiat facta semel illius violatio. Neque etiam adulter spondendo vitæ emendationem id efficit, ut socius pacto priori stare debeat: itaque multo minus, qui necem in coniugem suum machinatur; causa est, quod certus esse non possit innocens pacifcentium, quin nocens, semel patrato criminis, aliquando ad eandem se seduci patiatur malitiam.

V.) Qui coniugum, altero plane inuito, quo-
cunque etiam modo factum sit, arte sterilem aut
incapacem matrimonio se reddit, ut aut sobolem
procreare, aut ne debitum quidem coniugale præ-
stare possit, si ambo finem coniugii primarium in-
tendisse presumuntur, causa est, ut in sui ipsius
damnum soluatur coniugium. Procreatio enim
sobolis finis ipse est, ob quem coniugium iniue-
runt per suppositum. Qui ipsum finem pacti im-
pedit culpa sua, quominus vñquam attingi possit,
is pactum per definitionem inualidum sua culpa
reddit, resilit etiam a pacti partibus essentialibus.
Essentialia enim pacti absque dubio sunt illa om-
nia, quæ in finem ipsum licite consequendum in-
grediuntur. At vero qui pactum sua culpa inua-
lidum reddit, & ab eius essentialibus resilit, is
alteri pacifcenti causam iustum præbet pactum
conuellendi. (§. 3. nr. 4. & 5.) Quod demon-
strandum erat. conf. BRVNNEMANVS (a) &

V.

causa di-
uortii.

F

BRUCK-

(a) in Iure Eccles. L. II. C. XVII. p. 659, Addit. ad §. 2.

BRVCKNERVS, (b) qui etiam Theologorum testimonia hocce confirmantia recenset e. g., HVLSSEMANNI & SCHERZERI. Aliter vero res sese habet, si quidam coniux non sua, sed alias culpa ineptus est redditus fini coniugum consequendo: quamquam finis non possit hic attingi, nequam tamen ordinarie diuortium concedi poterit, vti quoque illustris BOEHMERVS in lectionibus iuris Canonici docet, & Summe Reuerendus BVDDEVS, (c) item BRVNNEMANNVS. (a) De eo autem, num polygamia simultanea hoc rerum statu permitti possit, quicquam dicere, nimis a scopo nostro alienum foret, videatur tamen BRVCKNERVS. (b) Nam pactum matrimoniale non est violatum, ad quod nimirum culpa & consensus paciscentis requiritur: ergo alter ius perfectum pacto renunciandi non accipit. Optime hoc notandum est contra eos, qui absolute seu principium diuortii supponunt: *quicquid finem matrimonii facit irritum, id causa est diuortii.* Observandum non minus probe, nos nolle hoc dictum esse de impedimento finis matrimonii consequendi, quod ante consummatum coniugium subortum est.

VI.
causa di-
uortii.

VI.) Ultima diuortii causa est, quando coniux non quidem immediate pactum matrimoniale fallit, attamen indirecte & mediate, i. e. committendo

(b) Tr. cit. C. XVI. §. 6. seqq. p. 430. seq.

(c) Tr. cit. pag. cit.

(a) Tr. cit. pag. 659. Add. §. 2.

(b) Loc. cit. L. XXIII. §. 29. seqq.

tendo tale quid infamia exterminatur. Nam qui cunque pactum inualidum sua culpa reddit, sibi referat acceptum, quod fœderatus pacto plane renunciet. (§. 3. nr. 5.) Scelus autem, exilio infami puniendum, perpetrando coniux pactum reddit inualidum. Cum enim loco suo cedere debeat; pactum vero matrimoniale firmum esse non possit, nisi uterque coniugum uno eodemque loco habitat: efficit, ut ne finis pacti attingi, adeoque neque ipsum seruari pactum possit. conf. BRVNNEM. (a) Neque enim nocens coniux innocentem, ut simul cum eo vitam inopem imo exilium colat, iure poterit coercere: quoniam huic innocens, dum pactum iniaret, non consensit; Iura autem & officia pacientium ex conditionibus, quas pacto aut tacite aut expresse adiecerunt, di- iudicanda sunt. Sunt quidem coniuges, qui per aliquod temporis spatium locis disiuncti viuunt, aut quorum unus alterius in gratiam locum mutare debet; quorum tamen matrimonium ideo non dirimendum est: ast horum & illorum alia omnino est ratio. Scilicet hi aut tali matrimonio initio statim consenserunt, aut tamen infortunio neque culpā sua hoc accidit: quod autem fortuito factum est, id nemini damno tribui poterit. Approbavit hoc Christus suo quoque suffragio Matth. V, 32. Nam quicquid censendum est λόγος πορνείας, illud est causa diuortii. (§. 10. med.) Ast scelus, inuitu altero coniuge, commissum idque dignum exilio, λόγος πορνείας censendum est hanc ob ratio-

F 2

nem,

(a) Tract. cit. p. 595.

nem, (cuius evidentiam (§. 10.) demonstráuimus,) quia pacti essentia eo læditur, impediendo, quo minus finis coniugii attingatur & pactum maneat validum (v. §. 13. nr. 3.) & quæ initio huius capituli sexti de eo diximus. Idem non modo de hoc constituerunt *Autores Ritualis Guelpherbyt.* (b): sed etiam nuper Venerandus Theologorum Helmstadiensium Ordo idem dedit responsum, hac tamen conditione, si nullo modo fieri posset, ut infamis exilii pœna tolleretur. Plura eiusmodi testimonia conf. apud BRVCKNERVM (a) & LANGIVM. (b) Idem iudicium ferendum est de eo, si coniux, in longum temporis spatium ergastulo propter famosum facinus dedita, non relegatur.

§. XIV.

Diuortium improprium Pauca huic addenda sunt de diuortio impropre sic dicto. Quo non intillegimus diuortium illud quoad thorum & mensam: nam cum hoc in Scriptura Sacra nullum habeat fundamentum, (quatenus proprie id appellare velis diuortium, neque innuis medium coercendæ sauitiæ) operæ pretium non est, hoc loco quædam de eo edisserere. Intelligimus autem dissolutionem matrimonii illegitimi, vel clarius, declarationem Magistratus, quod matrimonium inter coniuges quosdam initium nullum fuerit. Quemadmodum consensus matrimonium facit, non concubitus: ita quodvis impe-

(b) pag.

(a) Tr. cit. p. 429. §. 2. 3. 4.

(b) Tr. cit. p. 141. §. 16.

impedimentum, ob quod matrimonium est nullum, (licebit termino solito uti) querendum est in defectu consensus. Deest vero consensus varias ob causas: ob defectum iudicij propter infan-
tiam & fatuitatem naturalem: ob errorem, aut
mutuum, aut alterutrius ex dolo subnatum: ob
ebrietatem insignem, furorem perpetuum, me-
tum grauem iniuste illatum &c. Hinc varia diuor-
tii improprii genera, & cum saepius impedimentum
tale, ex defectu consensus enatum, diu post no-
tum fiat, quum matrimonium iam est initum: qui-
busdam hoc diuortium improprium videtur
esse proprium, qualem etiam errorem errat
BRVCKNERVS. (a) Sed diuortium illud omne
censendum est improprium, si causa, ob quam
matrimonium est disoluendum, iam ante con-
summatum matrimonium adfuit: illud vero di-
uortium proprium est, quando ratio, propter
quam matrimonium dirimi debet, demum post
consummatum coniugium subortum est. Hic
agemus solum de matrimonio, declarando pro
nullo ob metum grauem a parentibus cuiusdam
paciscentis illatum. Itaque, quando alter con-
iugum ex graui metu, a parentibus incusfo,
matrimonium contraxisse dicendus est: dissen-
sus huius coniugis perpetuus fuerit oportet,
tum ante benedictionem sacerdotalem, tum post
illam. Neque, cum semel recte vterque con-
fensit, alter postea, rerum statu non mutato,

F 3

iterum

(a) Tr. cit. p. 515. §. 6. et alibi passim.

iterum dissentire potest ita, ut hic dissensus matrimonium nullum reddere possit, sed secundum principia rationis & praxin nostram patetum omne est ratum atque legitimum in causis matrimonialibus, cum aliquando demum adfuerit consensus duorum in idem placitum constituent& tollend& obligationis causa. Quod autem tali casu alter matrimonium contrahendum matrimonio aut consummando aut continuando oblugetetur, id magis pro inconstantia animi emendanda habendum est, quam pro impedimento, quo minus matrimonium firmum & validum esse possit. Quare minime causa est diuortii: (1) quando sponsa quædam, quæ tamen aliquando variis sponsæ non coætæ moribus consensum de matrimonio consummando dedit, postea sponsalia irrita esse vult, aut (2) quando post copulam, quam vocant sacerdotalem, concubitum coniugalem initio quidem pati noluit: attamen, postea quam semel (coæte quidem) concubuit, diutius non resistens marito corporis sui copiam fecit, eumque per aliquod temporis spatium amore coniugali amplexa fuit. V. BRVNNEMANN (a) & BRVCK-

NER

(a) Iure Eccl. L. II. C. XVI. §. 3. p. 561.

NER (b) illustris BOEHMER. (c) Quem consensum, semel matrimonio datum, & concubitu confirmatum, fuga vxoris aliquoties facta nequaquam ita penitus tollere poterit, ut coniugium illud pro nullo inde possit declarari, & negari, consensum vñquam coniugum verum adfuisse. Tandem etiam ad matrimonium, ob coactionem parentum diuortio impropio dissoluendum, necessario requiritur, metum a parentibus incussum fuisse grauem, neque tantummodo reuerentiale, ut ita dicam. Metus enim, qui consensus defectum importat, iudicii vsum tollat necesse est, qualis metus infertur a parentibus verberibus aut grauibus minis, non vero persuasionibus. Et cum haec soleant plerumque desumi inde, quod renitentem problem pro sua imposterum agnoscere nollent: haec minæ nequaquam pro metu satis graui iniecto habendæ sunt, sed tum demum, quando parentes erga renitentes liberos reuera curam parentum negligere incipiunt. Fit saepius etiam, ut metu graui ad connubia ineunda a parentibus alter contrahentium sit coactus, hic tamen libero loco constitutus, quo reclamare libere potest.

(b) Loc. cit. C. XXI. §. 31. p. 563.

(c) Iure Eccl. Prot. Tom. III. L. IV. Tit. I. §. 138. p. 1193.

poterat, suum dissensum non testetur benedictione sacerdotali impertienda. Tunc vero is sententiam mutasse, ac sponte nunc consentire iudicandus est. Itaque clare satis appare, illud matrimonium neutquam esse nullum, ad quod ineundum sponsa persuasionibus, non vero verbis & amittenda cura parentum adacta fuit, (a) aut, (4) si coacta fuit, coram altari tamen, cum potuerit, dissensum suum publice non declarauit. conf. BRVCKNERVS (b) & illustris BOEHMERVS. (c)

(a) BRVCKNER Tr. cit. p. 560. §. 19. 20.

(b) L. cit. p. 563. §. 31.

(c) Tr. cit. p. 1192. §. 136.

